

<div class="datum4">Goražde, 28.06.2011.</div> <div class="tekst_glavni">

<p>Pozitivne ocjene za programe rada Vlade i razvoja BPK</p> <p></p> <p>Program rada Vlade BPK-a Goražde za 2011. godinu i Program razvoja BPK-a do 2014.godine razmatrali su na današnjoj sjednici članovi Ekonomsko-socijalnog vijeća Bosansko-podrinjskog kantona Goražde. Pored članova Vijeća, sjednici su prisustvovali ministar za privredu Demir Imamović, direktorica Službe za zapošljavanje Nafija Hodo, direktor Uprave za inspekcijske poslove Midhat Hadžomerović, te predstavnik PIO/MIO Goražde.</p> <p>Programi su prema riječima predsjednika

Ekonomsko-socijalnog vijeća Ibra Mašale, urađeni studiozno i na veoma profesionalan način, sa stanovišta proceduralnih pitanja.</p> <p></p> <p>Za mene je najvažnija stvar povećanje bruto proizvoda, što znači da će se više upošljavati ljudi, a sad što je to što može privući ključni razvoj. Mi imamo dosta dobre industrijske kapacitete, nama trebaju neki drugi sadržaji koji će se proširiti, kako bi povećali broj stanovnika. Jedan od najvažnijih je put, brza cesta Goražde-Sarajevo, energetska potencijal i poljoprivreda -istaknuo je predsjednik Ekonomsko-socijalnog vijeća Ibro Mašala.</p> <p>Pored ovih programa, na sjednici je razmatrana i problematika rada na crnoj te Informacija kantonalnog upravnog inspektora vezana za radnike na čišćenju. Danas, pojam čišćenje nije pravno regulisan, a uposlenici s tim statusom, po Zakonu o radu FBiH, mogli su se zadržati najdalje do 05.05.2000.godine. Vezano za ovaj problem, Vlada Bosansko-podrinjskog kantona Goražde je, na inicijativu premijera, pokrenula aktivnosti na prikupljanju podataka i analiziranja mogućnosti, utvrđivanje obima mjera vezanih za uvezivanje i dokup šteta za ove kategorije.</p> <p>Na sjednici je dogovoreno da se tim koji je formirala Vlada kadrovski proširi sa predstavnicima PIO/MIO i Službe za zapošljavanje i da se za slijedeću sjednicu pripreme detaljnije informacije kako bi se ovaj problem riješio.</p> <p>IZVOR: www.bpkgo.ba</p> </div>